

四庫全書

史部

欽定四庫全書

史部

浙江通志卷二百三十八

九

詳校官給事中臣戴璐

檢討臣德生覆勘

總校官編修臣倉聖脉

校對官中書臣石鴻緒

謄錄監生臣沈錫爵

欽定四庫全書

浙江通志卷二百三十八

陵墓

四

紹興府

山陰縣

越陳音塚

嘉泰會稽志在縣西南五里是為陳音

山音善射者范曄記云其塚壁猶畫作騎射之像

漢靈文園

明一統志在山陰縣境漢文帝薄太后

之父卒葬於此

漢會稽太守馬臻墓

紹興府志在鑑湖鋪西

傳詳名宦

漢下邳令謝夷吾墓

嘉泰會稽志在種山南

華鎮覽古

云今府宅儀門下

夷吾將死敕其家曰漢末當亂必有發

掘露骸之禍宜懸棺下葬子孫遵之故得獨全

傳詳

方技

晉尚書左僕射孔愉墓

嘉泰會稽志在縣南二十

九里

傳詳名臣

晉會稽內史郗愔墓 名勝志在城西南二十五里

傳詳
名宦

晉會稽內史謝輜墓 於越新編在縣西三十里

名勝

志謝靈運
之從祖也

宋臨川內史謝靈運墓 嘉泰會稽志在縣南三十

三里靈運死廣州歸葬於此

傳詳
文苑

唐吏部侍郎謚定徐浩墓 嘉泰會稽志在縣南二

十一里

傳詳
文苑

唐祕書監賀知章墓 於越新編在府城南九里因

名九里墓在山巔鄉人呼為賀墓

傳詳文苑

唐刺史康希詵墓 嘉泰會稽志在蘭亭希詵會稽

人歷饒海台睦四州刺史其碑顏魯公撰并書郡

守吳奎得之王荊公及弟平甫賦詩而墓始著

唐康德言墓 名勝志在離渚屬石湖旁湖之得名

以其墓碑石屬云

宋魏惠憲王趙愷墓 嘉泰會稽志在法華山王孝

宗第二子初自魏邸出判寧國府又判明州兼領
雍州牧薨有旨宜於紹興善地權厝遂厝於天衣
寺之法堂遣使輟祭且視窆焉

宋太師賀王謚孝敏趙士奎墓 嘉泰會稽志在天衣
寺法華山

宋節度使滕國公謚恭靖趙不微墓 嘉泰會稽志
在東黃直閣不羈祔

宋知郡陸眷墓 嘉泰會稽志在黃枋嶺

宋尚書齊執象墓 嘉泰會稽志在昌原

宋銀青光祿大夫傅傳正墓 嘉泰會稽志在承務

鄉尚書墨卿祔

宋修撰宋煇墓 嘉泰會稽志在九里

宋提學朱興宗墓 嘉泰會稽志在苦竹村

宋中書王孝迪墓 嘉泰會稽志在九里

宋贈開府儀同三司謚忠肅陳過庭墓 嘉泰會稽

志在黃枋嶺

傳詳忠臣

宋特進王俊又墓 嘉泰會稽志在西山尚書佐祔

紹興府志西山村有王佐祠額曰忠孝乃同榜進士朱熹書後於墓傍掘得南宋全皇后妹合葬墓碑始知佐曾孫婦亦祔於此

宋提舉司馬槐墓 嘉泰會稽志在亭山侍郎伋監

丞僖祔

宋顯謨閣待制呂正己墓 嘉泰會稽志在九里

宋太子太師祁國公杜衍墓 嘉泰會稽志在永昌

鄉苦竹村

傳詳
名臣

宋觀文殿學士謚威敏孫沔墓 嘉泰會稽志在承

務鄉

傳詳武功

宋太保陸昭墓 嘉泰會稽志在承務鄉左丞之祖
四世葬此有陸氏大墓碑

宋右史唐閔墓 嘉泰會稽志在蘭亭

宋運使唐閔墓 嘉泰會稽志在古城

傳詳循吏

宋銀青光祿大夫石元之墓 嘉泰會稽志在盛塘

孫朝議瑞中寺正邦哲祔

宋提舉石繼曾墓 嘉泰會稽志在謝墅

宋少卿唐翊墓 名勝志在蘭亭西

傳詳循吏

元僉江浙樞密院事西夏侯謚忠勇穆爾古蘇墓

山陰縣志以紹興錄事司總督越兵為御史拜珠

所殺今墓在戴山

傳詳名宦吳縣弔西夏侯墓詩鎮越城邊將星墮蘭臺忽起蕭

牆禍殘軍不領戰衣歸屍首那將草囊裹旁無石獸表無文至今不識誰家墳棠梨花開曉無迹墳

頭高處羊成羣憶昔孤城臨大敵保全竟賴斯人力當時不見起祁連向後誰能銅陰宅百年陵谷

儘如斯故老於今有口碑元堂陰深土花碧萋宏流血應淋漓

明太守白玉墓 紹興府志在卧龍山之陰玉漢中

人明正統中卒因葬焉

明新建伯謚文成王守仁墓 紹興府志在花街洪

溪傳詳
名臣

明巡撫徐如翰墓 山陰縣志在古城山麓

明徐渭墓 山陰縣志在木柵山

傳詳
文苑

明吏部尚書孫鑰墓 山陰縣志在鑄浦山

傳詳
名臣

明光祿卿孫如法墓 餘姚縣志在山陰鳳凰山

傳詳

臣名

明貴湖雲川廣五省總督朱燮元墓 在九里山

詳傳

臣名

明太倉州判傅元縉墓 在花徑山

明戶部尚書謚文正倪元璐墓 紹興府志在白蓮

墓山聖儀洞

傳詳忠臣舊浙江通志康熙十年巡撫范承謨以其子孫貧不能葬捐俸

四十金行府議知府張三異更為捐俸營葬先是里紳姜天樞知文正無葬地欲以白蓮墓山贈之

後竟踐其言

明蘇松巡撫祁彪佳墓 舊浙江通志在亭山

傳詳忠臣

會稽縣

大禹陵 嘉泰會稽志圖經云在會稽縣南一十三

里禹巡狩江南上苗山會計諸侯死而葬焉劉向

書云禹葬會稽不改其列謂不改林木百物之列

也苗山自禹葬後更名會稽是山之東有隴隱若

劍脊西嚮而下下有窆石或云此正葬處疑未敢

信窆石之左是為禹廟背湖而南嚮按皇覽禹塚

在會稽山自先秦古書帝王墓皆不稱陵陵之名

實自漢始

越絕書禹巡狩大越見者老納詩書審銓衡平斗斛死葬會稽葦擲桐棺穿壙

七尺上無漏洩下無即水壇高三尺土階三等延袤一畝吳越春秋無余始受封雖有鳥田之利租

貢纓給宗廟祭祀之費乃復隨陵陸而耕種或逐禽鹿而給食不設宮室之飾從民所居春秋祠禹

墓於會稽紹興府志宋乾德四年詔吳越立禹廟於會

稽置守陵五戶長吏春秋奉祀紹熙三年十月修

大禹陵廟

釋贊寧傳載越中禹志者高松數十株參天遠望無不見故郡人謂之禹志也

實巡狩至會稽葬於此陵今與山為一體皆變為石矣若然者古之志即今之陵也方輿勝覽寔石

在禹廟舊經云禹葬以此石為窆禹穴在龍瑞宮之側東萊云大石中斷成鐫殊不古殆非司馬子

長所探也

明洪武三年浙江行省進大禹陵廟圖九年

令百步之內禁人樵採設陵戶二人有司督近陵

人看守每三年遣道士齋香帛致祭登極遣官告

祭每歲有司以春秋二仲月祭

諸葛興大禹陵瞻越山兮境東鬱

喬木兮岑叢倚青霞兮寔石枕碧流兮寶宮端獻
完兮穆穆列俎豆兮雍雍雍梅為梁兮挾風雨條而

來兮忽而去芝產殿兮間見橘垂庭兮猶古壁騰
輝兮珪薦瑞書金簡兮緘石匱朝萬玉兮可想探

靈文兮何祕嗟洛水兮橫流民昏墊兮隱憂運大
智兮無事錫洪範兮叙疇身勞兮五嶽迹書兮九

州賈王心兮不矜迄四海兮歌謳猗聖宋兮中興
駐翠蹕兮稽城獨懷勤兮曠代衆奎文兮日星揚
舩兮拊鼓吳猷兮鄭舞奠桂酒兮蘭肴庶幾彷彿
兮非食卑宮之遺矩鄭善夫禹陵詩脫屣行探禹
穴靈萬年鴻寶秘丹扃梅梁寔石空山裏想見虞
廷舊典型陳子龍禹陵詩夏王南狩日會計此山
陽玉帛朝羣后旌旗擁大荒防風膏斧鉞蒼水貢
文章九鼎山河奠雙珪日月光橋陵遺劍碧梧野
出雲黃廟貌垂千祀神功啟百王烟霞移石壁雷
雨暗梅梁白鶴留陰羽丹楓落曉霜銀池噴不起
金簡穴能藏端鈕音發風簷鈴語揚冕旒瞻律
度圭璧侍班行鳥鼠游神座龍蛇靜帝鄉庚辰來
上佐癸甲授元良元女精靈盡黃熊哀慕長夏書
存渾渾渾越絕紀茫茫萬古終河洛其咨永不亡

國朝康熙二十一年遣徐誥武致祭二十八年二月十

四日

聖祖仁皇帝南巡

詣廟致祭十六日欽奉

上諭修理

恭紀
首卷

三十五年遣王材任致祭三十六年遣王

焯致祭四十八年遣廬起龍致祭五十八年遣田

文鏡致祭六十一年十一月

世宗憲皇帝即位遣穆理渾於雍正元年二月致祭

御祭文

自古帝王繼天出治建極綏猷莫不澤被生民仁周海宇維我

皇考峻德鴻勲媲美前古顯謨承烈垂裕後昆朕以眇躬
纘膺大寶當茲嗣位之始宜修享祀之儀特遣專官虔
申昭告惟冀時和歲稔物阜民安淳風徧洽乎寰區厚
德長孚於率土尚其歆格鑒此精誠

雍正二年正月遣覺羅常泰致祭七年三月奉

上諭自古帝王皆有功德於民雖世代久遠而敬禮崇奉

之心不當弛懈其陵寢所在乃神所憑依尤當加意防衛勿使褻慢至於往聖先賢名臣忠烈芳型永作楷模正氣常留天壤其祠宇塋墓亦當恭敬守護以申仰止之忱着各省督撫轉飭各屬將境內所有古昔陵寢祠墓勤加巡視防護稽查務令嚴肅潔淨以展誠恪若有應行修葺之處着動用本省存公銀兩委員料理朕見歷代帝王皆有保護古昔陵寢之飭諭而究無奉行之實朕雍正元年恩詔內即以修葺歷代帝王陵寢通行

申飭亦恐有司相沿積習視為泛常嗣後着於每年年底令該地方官將防護無誤之處結報督撫該督撫造冊轉報工部彙齊奏聞倘所報不實一經發覺定將該督撫及地方官分別議處特諭欽此欽遵於禹陵應修處所勘估修葺敬謹防護十三年九月

今上皇帝即位遣朱必堦於是年十二月告祭

御祭文

禮崇典祀光俎豆於前徽念切景行薦馨香於往哲

惟

帝王繼

天立極撫世誠民豐功焜耀於生前駿烈昭垂於宇宙溯
典型於在昔凜法監之常存朕以藐功繼登大寶屬
膺圖之伊始宜展祀以告虔特遣專官祇遵彝典苾
芬在列備三獻之隆儀靈爽式憑仰千秋之明德尚
其歆格永錫鴻禧謹告

謹按禹穴者禹藏書之所唐鄭魴從事越州大書
禹穴二字立石序之觀察使元稹為之銘其在會

稽無疑明楊慎丹鉛錄云蜀之石泉禹生之地謂之禹穴劉遠夫修蜀志得碑刻禹穴二字乃李白所書始知會稽禹穴之誤夫邱墳巖穴皆古昔藏書所名未聞生其地而稱為穴者李白蜀人無論其書不足信即有之必唐後已有記載豈有歷宋元迄明始得之者况司馬遷有序云予年二十而南游江淮上會稽探禹穴闕九疑浮於沅湘語次秩然而近作廣輿記者惑於慎之說遂解曰上會稽總吳地也探禹穴上巴蜀也謬矣邑令咎霸林重刻石於宛委山而辨之如此因錄存其概云

宋永祐攢宮 萬厯會稽縣志紹興十二年金人以

徽宗及皇后鄭氏梓宮來還十月攢昭慈太后攢宮西北改陵名永祐徽宗顯仁皇后韋氏從徽宗

北遷紹興十二年還臨安二十九年攢於永祐陵
西高宗憲節皇后邢氏從三宮北遷紹興十二年

梓宮至攢昭慈太后攢宮西

宋史孟皇后傳后洛州人眉州防禦使馬

軍都虞侯贈太尉元之孫女元祐七年冊為皇后
康王即位稱隆祐太后紹興五年殯於會稽上皇

村改謚昭
慈聖獻后

宋高宗陵 萬厯會稽縣志淳熙十四年攢於會稽

之永思陵

宋史高宗紀帝諱構字德基徽宗第九子母顯仁皇后韋氏在位三十二年宋

史吳皇后傳后開封人父近累官武翼郎贈太師
紹興十三年立為皇后孝宗即位尊曰壽聖太上

皇后謚憲聖慈烈
攢祔於永思陵

宋孝宗陵 萬厯會稽縣志 紹熙五年攢永思陵西

上陵名曰永阜

宋史孝宗紀帝諱昚字元永太祖七世孫紹興二年賜名瑗三十年

二月立為皇子更名瑋三十二年五月立為皇太子改今名在位二十七年宋史謝皇后傳后丹陽人淳熙三年立為皇后謚成肅攢祔於永阜陵

宋光宗陵 萬厯會稽縣志 慶元六年攢會稽上陵

名曰永崇

宋史光宗紀帝諱惇孝宗第三子母成穆皇后郭氏在位六年

宋寧宗陵 萬厯會稽縣志 嘉定十七年葬會稽上

陵名曰永茂寧宗仁烈皇后楊氏紹定五年祔永

茂陵

方輿勝覽寧宗永茂陵其地乃泰寧寺之舊址嘉定十七年冬命楊畢為按行使歸奏云

獨泰寧寺之山山崗偉特五峯在前直以上皇山之雄巽以紫金白鹿之秀宜為先帝弓劍之藏遂遷寺定卜焉宋史寧宗紀帝諱擴光宗第二子母慈懿皇后李氏在位三十一年宋史楊皇后傳后會稽人有楊次山者后自謂其兄遂姓楊氏進貴妃立為后謚曰恭聖仁烈

宋理宗陵 萬厯會稽縣志景定五年葬會稽上陵

名曰永穆

宋史理宗紀帝諱昀太祖十世孫父希璪追封榮王家於紹興山陰縣母慈顯

夫人金氏在位四十一年

宋度宗陵 萬厯會稽縣志咸淳十年攢上陵名曰

永紹

宋史度宗紀帝諱禔太祖十一世孫父明一嗣榮王與芮理宗母弟也在位十一年

統志以上諸陵皆在會稽縣東南寶山惟孝宗理

宗二陵朝廷遣官致祭

會稽縣志至元戊寅西僧楊璉真如奏發諸陵宋遺

民山陰唐珏潛易以偽骨取真者葬之山陰天章寺前六陵各為一函每陵樹冬青一以識 紹

興府志明洪武三年浙江行省進宋諸陵圖惟孝

理二陵獻殿三間繚以周垣餘僅存封樹九年令

五百步之內禁人樵採設陵戶二人有司督近陵

之人看守內外禁山三千七百三十五畝田三十
八畝九分歲久為居民所侵正統間趙伯泰奏復
弘治元年復帖縣典史張宏檢勘具冊以覆其後
乃割禁山之半佃為民業其半亦令居民守之而

入其租然樵採之禁守衛之夫寔以疎矣

林景熙
冬青花

詩冬青花花時一日腸九折隔江風雨清影空五
月深山護微雪石根雲氣龍所藏尋常螻螳不敢
穴移來此種非人間曾識萬年觴底月蜀魂飛繞
百鳥臣夜半一聲山竹裂陶望齡六陵懷古詩六
陵風露入深秋松栢蕭蕭萬壑幽憶昔普天悲鑄
鼎只今何地問藏舟百年車馬驅南國盡日狐狸

嘯古丘二帝寢園尤寂
寞黃沙白草不堪求

國朝雍正七年三月欽奉

上諭飭令該地方官欽遵於宋高宗以下六陵加意防
護

越若耶大塚 越絕書句踐徙葬先君夫鐔塚也去
縣二十五里

越王允常塚 水經注在木客村句踐都琅邪欲移
允常塚塚中生分風飛沙射人人不得近句踐謂

不欲遂止

越王句踐塚

越絕書獨山大塚者句踐自治以為

塚徙琅邪塚不成去縣九里

越句踐庶子塚

嘉泰會稽志在夫山按越世家句

踐之後為王子鼫與而庶子不得其名

越大夫文種墓

嘉泰會稽志在種山

傳詳忠臣水經注浙江又

東北徑重山西大
夫文種之所葬也

越秦伊塚

越絕書句踐客秦伊善灼龜者塚也因

名塚為秦伊山嘉泰會稽志按十道志當在龜山

下

漢靈文園 名勝志薄太后父也吳人死山陰因葬焉文帝即位追尊靈文侯會稽郡置園邑三百家史記索隱云在會稽縣西北襟山上今猶有兆域括地志以為檇山去會稽西北三里一名稷山

漢孝女曹娥墓 嘉泰會稽志在縣東七十二里自漢元嘉初縣長度尚改葬娥浦江道邊至今存焉

墓所有翁仲對峙亭曰雙檜後人所封植也

傳詳列女

晉八仙塚

名勝志在白塔山舊志嵇康善琴過白

塔宿傳舍遇古伶官之魄而得廣陵散曲曲終指

其葬處至今窟穴猶在

吳越忠遜王錢儆墓

萬厯會稽縣志在秦望山北

地名昌源以王禮葬

林景熙忠遜王墓詩牛頭一星化為石千仞稜層垂鐵脊

隆隆隱隱佳氣藏列峯環拱效圭璧玉棺何代埋
衣冠三朝萬乘子復孫典冊輝煌照九土歲時園

廟嚴駭奔輪雲自古幾翻覆山靈不守松栢禿離
離荒草鬼火青麥飯無人灑林麓我來弔古欲雪

天梵宮金碧樓寒烟殘僧相
對語寂寞苔梅隔嶺青年年

宋太傅信王趙璩墓 萬厯會稽縣志在昌源石傘
峯以少保恩平郡王判大宗正後進少傅薨贈太
保信王慶元六年加贈太傅

宋榮王趙希璩墓 萬厯會稽縣志在昌源理宗父
宋諫議贈太傅陸軫墓 嘉泰會稽志在五雲鄉焦
塢

宋都官贈太尉陸珪墓 嘉泰會稽志在袁孝鄉今

改葬鷺峯寺前

宋內翰錢希白墓 嘉泰會稽志在天柱峯下子集

賢彥遠裔孫伯言祔

宋陸發運墓 嘉泰會稽志在富盛鄉子郎中沅祔

宋左丞陸佃墓 萬厯會稽縣志在陶宴嶺支峰
詳傳

儒林

宋少師陸宰墓 嘉泰會稽志在雲門盧家嶼知郡

淞通判浚並祔

宋右司陸長民墓 嘉泰會稽志在上臯尚書塢叅

議靜之提舉升之教授光之並祔

宋計議蘇師德墓 嘉泰會稽志在陶宴嶺吏部玘

祔

宋樞密楊愿墓 嘉泰會稽志在何山知郡祔祔

宋司諫詹亢宗墓 嘉泰會稽志在秦望山

宋太博詹林宗墓 嘉泰會稽志在鹿里大監騃祔

宋司諫梁仲敏墓 嘉泰會稽志在秦望山

傳詳名臣

宋賢良齊唐墓

嘉泰會稽志在昌原

傳詳文苑

宋內翰顧臨墓

嘉泰會稽志在昌梁

傳詳名臣

宋屯田傅瑩墓

嘉泰會稽志在浪港山

宋提舉王然墓

嘉泰會稽志在五雲鄉中電判院

謬侍郎淪並祔

宋知郡王饒墓

嘉泰會稽志在蔡村

宋樞密富直柔知府富杞墓

嘉泰會稽志在古城

宋祕書張淵墓

嘉泰會稽志在昌原

宋吏部侍郎莫叔光墓

嘉泰會稽志在平水

傳詳名臣

宋贈光祿大夫謚文清曾幾墓

嘉泰會稽志在道

樹大理卿逢侍郎逮並祔

傳詳寓賢會稽縣志幾
贛州人卜居於越卒葬

鳳凰山

宋資政殿學士韓肖胄左司韓膺胄運使韓髦墓

萬厯會稽縣志並在太平鄉日鑄嶺

傳詳寓賢

宋刑部尚書胡直孺墓

會稽縣志在雲門白水塘

傳詳寓賢

宋贈開府儀同三司謚忠肅陳過庭墓 嘉泰會稽

志在黃枋嶺

傳詳忠臣

宋太尉李顯忠墓 於越新編在法華嶺之側

傳詳名宦

宋編修傅堯咨墓 嘉泰會稽志在石旗山給事中

崧卿左藏檜並祔

傳詳名臣

宋和靖先生尹焞墓 萬厯會稽縣志在龍瑞宮前

石帆山下

傳詳寓賢李本和靖先生墓詩序墓在會稽龍瑞山嘉靖中為里豪所發得其

誌石見者聞於官時莆田洪玉方知府事使人訪求石已毀矣乃即城南捨子橋下為祠祀之葛煨

和靖尹先生墓詩千巖競奇秀石帆如飛揚高山
自景仰矧有德義藏侃侃彥明氏獨透聲利場廷
問且不辱逆豫胡能戕善養慰母賢異代猶餘芳
豈無簪紱輩當途共趨踰翁仲卧豐草石穴須臾
光何如此丘土突然起崇岡松柏儼成列四時鬱
蒼蒼吾道日以南寧獨龜山楊辨香致殷勤願為
樹門牆

宋尚書王希呂墓 萬厯會稽縣志在三都之破塘
里

宋寶章閣待制陸游墓 萬厯會稽縣志在雲門盧

家塾 傳詳
文苑

宋孝子蔡定墓

會稽縣志在觀嶺下

傳詳
考友

元處士韓性墓

萬厯會稽縣志在木石崗

傳詳
儒林

明南吏部尚書王華墓

紹興府志在天柱峯下

傳詳

名臣

明都御史謚端肅趙錦墓

餘姚縣志在會稽蘭亭

婁家塢

傳詳
名臣

明左諭德張元忭墓

紹興府志在小南山

傳詳
儒林

明固原道贈太僕寺卿謚忠烈陸夢龍墓

會稽縣

志在桐塢

傳詳忠臣

明長史贈副使章尚綱墓 會稽縣志在師古墩

傳詳

忠臣

明左諭德贈禮部侍郎謚文忠周鳳翔墓 紹興府

志葬會稽洋之後山

傳詳忠臣

明左都御史劉宗周墓 紹興府志在下蔣

傳詳儒林

明諸生王毓著墓 會稽縣志在上竈

傳詳忠臣

蕭山縣

漢驃騎將軍錢塘侯朱儁墓 嘉泰會稽志在洛思

山郡國志云儁葬於此洛人送葬登山望洛一歎而絕也孔羣記又稱儁為光祿大夫時遭母哀將洛下冢師歸登山相望冢師去鄉既遠目極千里北望京洛遂縈咽而死因葬山頂然則洛思山者

又為冢師墓也今兩存之

傳詳武功

晉曹亮墓 於越新編在昭明鄉

晉會稽內史夏靖墓 紹興府志在螺山

晉東陽太守山遐墓 名勝志在由化鄉山簡之子

濤之孫也

傳詳
名宦

晉許攸墓 嘉泰會稽志在縣東三十二里許詢之

父攸晚居蘭山

宋郭世道墓 蕭山縣志刊誤在郭墓山郭原平所

營之墓也誌曰郭璞墓璞葬暨陽今之常州江陰

縣傳詳孝友南史郭原平傳原平父世道死原平

念凶功不可以假人訪邑中營凶者助之運力
遂大閼練一切寔宥之事因心當禮營
構之善無如原平凡營墓者必詣焉

宋會稽太守羊元保墓 於越新編在長興鄉

齊高平太守謚壯侯戴僧靜墓 蕭山縣志在昭明

鄉傳詳武功

唐兵部尚書鎮遏使徐鴻墓 紹興府志在長山鄉

唐刑部尚書張亮墓 於越新編在北幹山下

宋兵部員外郎王絲墓 嘉泰會稽志在縣西南八

里傳詳循吏

宋侍郎王弗墓 嘉泰會稽志在廣福寺旁

宋職方沈衡墓 紹興府志在儀鳳鄉

宋厲大資墓 於越新編在郭墓山石獸俱存

宋待制張稱孫墓 紹興府志在湘湖龜山石獸俱

存

宋冀王楊次山墓 蕭山縣志在楊岐山西塢

謹按毛奇齡蕭山志刊誤云次山封會稽郡王追封冀王且本傳明云家越之上虞非蕭山人也墓之在蕭亦不可信仍舊志錄以俟考

元趙誠墓 於越新編在北幹山之陽

傳詳名宦

明南吏部尚書諡文靖魏驥墓 於越新編在湘湖

齊家圩

傳詳名臣

明南工部尚書張嶺墓 舊浙江通志在覺海山

傳詳

名臣

明侍郎王三才墓 蕭山縣志在溪頭塢

國朝

通政使周之麟墓 蕭山縣志在來蘇鄉

傳詳名臣

康熙

年間

賜祭葬

諸暨縣

晉右軍將軍王羲之墓 紹興府志孔晁記云在寧

羅山孫綽作碑王獻之書碑亡已久或云在嵯金

庭山或云在會稽雲門山智永傳云欲近祖墓便

拜埽移居雲門寺則在雲門者近是然雲門今無

迹也

傳詳
寓賢

晉劉龍子母墓 紹興府志晉時劉姓一男子釣於

五泄溪得驪珠吞之化龍飛去人號劉龍子其母

墓在撞江石山每清明龍子來展墓必風雨晦冥

墓上松二株至今奇古可愛相傳龍子所植云

宋安定郡王趙令諤墓 嘉泰會稽志在花山

諸暨縣志

令諤宋宗室世膺之子兩知紹興府有患政卒葬諸暨之龍泉鄉子孫因家焉

宋新安郡王趙士術墓 嘉泰會稽志在陶朱鄉

宋安定郡王趙子清墓 嘉泰會稽志在安俗鄉

宋郎中馬純墓 嘉泰會稽志在陶朱鄉寺丞延之

祔

宋都承廖虞弼墓

嘉泰會稽志在陶朱鄉

宋待制姚舜明墓

紹興府志在長寧鄉子樞密憲

墓亦在旁

傳詳武功

明知州樂鳳墓

紹興府志在苧羅山

傳詳名宦

明知縣吳亨墓

諸暨縣志在龍華山

傳詳名宦

餘姚縣

漢隱士嚴光墓

寶慶會稽續志在縣東北十里陳

山光蓋嘗家是山而歸葬焉乾道中史文惠公鎮

越始告縣表墓道起精舍曰客星菴而為之置田

長吏以時奉嘗

史浩嚴先生墓詩玉匣蛟龍已草萊一丘馬鬣尚封培雲臺若也標

名姓千古誰知有釣臺陳允平嚴墓詩山高石怪水泠泠三尺孤墳葬客星遙想陵原松檜色曉烟

暮雨為誰青

漢日南太守虞國墓 嘉靖餘姚縣志在雙雁鄉國

守日南雙雁隨還餘姚國死雁棲墓不去死乃瘞

之墓旁名曰雁塚

漢上虞令劉綱墓 紹興府志在四明鄉阜莢塢與

其妻樊夫人並昇仙其蛻骨合葬云

孫應時阜莢塢詩劉樊蛻

骨此登仙老木當年已插天仙骨帶枯猶秀潤蒼皮新長更榮鮮蟠桃待熟三千歲銅狄重摩五百

年化鶴未歸山寂寂徘徊誰與問因緣

吳騎都尉虞翻墓 嘉靖餘姚縣志在鳳亭鄉羅僻

山下

傳詳儒林

唐學士汪亮墓 紹興府志在四明鄉石井山

宋秀王趙伯圭墓 嘉靖餘姚縣志在從山秀王孝

宗本生之父家餘姚而葬焉

陳綱謁秀王墓詩秀王陵墓此山巔古寺

荒涼隧道邊花砌蛟龍蟠夜月蘇碑麟鳳泣秋烟
劫灰不泯三千界香火今餘二百年頭白老僧言

歷歷逢人揮
淚佛燈前

宋德興丞胡宗伋墓 餘姚縣志在翁湖山

傳詳
儒林

宋禮部尚書諡獻肅胡沂墓 嘉泰會稽志在澄溪

傳詳
名臣

宋徽猷閣待制陳索墓 嘉泰會稽志在化安寺

傳詳

名
臣

宋資政殿學士諡莊簡李光墓 嘉靖餘姚縣志在

姜山

傳詳
名臣

宋丞相史巖之墓 舊浙江通志在梅梁山石柱香

亭尚存

宋知溫州莫子純墓 餘姚縣志在烏戎山

傳詳
名臣

宋知府趙彥嗣墓 嘉泰會稽志在鳳亭鄉

宋太常卿孫子秀墓 餘姚縣志在四明鄉

傳詳
循吏

宋知常熟縣孫應時墓 餘姚縣志在游源竹山

傳詳

史循

宋知府趙師龍墓 嘉泰會稽志在石堰

元教諭黃叔英墓 嘉靖餘姚縣志在游源之竹山

傳詳
儒林

明叅議錢古訓墓 餘姚縣志在客星山 傳詳
武功

明侍郎史琳墓 餘姚縣志在玉泉山 傳詳
武功

明刑部侍郎劉季篴墓 餘姚縣志在豐山 傳詳
名臣

明瓊山教諭趙謙墓 嘉靖餘姚縣志在塢山 傳詳
儒林

明廣東按察使諡忠襄毛吉墓 餘姚縣志在豐山

傳詳
忠臣

明鄖陽巡撫宋冕墓 餘姚縣志在許塘山

傳詳
名臣

明大學士謝遷墓 餘姚縣志在杏山列朝詩選嘉

靖七年賜祭葬

傳詳
名臣

明鄖陽巡撫胡東臯墓 餘姚縣志在方岡山

傳詳
名臣

明太僕卿胡鐸墓 餘姚縣志在東山南壘

傳詳
名臣

明兵科給事中牧相墓 餘姚縣志在余山

傳詳
名臣

明應天巡撫陳克宅墓 餘姚縣志在雲樓鄉陸家

園

傳詳
名臣

明刑部侍郎顧遂墓 餘姚縣志在烏戎山

傳詳
名臣

明禮部尚書諡文恪孫陞墓 餘姚縣志在燭溪湖

傳詳
名臣

明吏部尚書諡恭介陳有年墓 餘姚縣志在上黃

山

傳詳
名臣

明大學士諡文恭孫如游墓 餘姚縣志在燭溪湖

傳詳
名臣

明工部侍郎龔輝墓 餘姚縣志在四明山上莊傳詳

名臣

明贈太僕寺卿諡忠端黃尊素墓 舊浙江通志在

化安山

傳詳忠臣明莊烈帝諭祭文惟爾孤忠貫日正氣干雲請卹於萬璟之死發姦於楊

連之先已乃寃同鉤黨獄是同文萬姓灑泣諸生舉旂猶且屬詞草奏痛父辭君卒使姦險之徒未敢喋血薰腐之魁終裂車輪龜鼎晏然賴爾忠魂

明左副都御史諡忠愍施邦曜墓 餘姚縣志在大

黃山

傳詳忠臣

國朝順治元年禮部議優卹追諡忠愍康熙十一年知府張三異知其無子未營葬捐俸及知縣潘雲桂治之豎表勒碑如例

上虞縣

漢合浦太守孟嘗墓 於越新編在縣東南二里

傳詳

循吏

漢尚書魏朗墓

紹興府志在縣西北四十里

傳詳名臣

漢郡功曹王充墓

上虞縣志在烏石山

傳詳
儒林

漢校書郎劉瑜墓

於越新編在智果寺西阜墓傍

有松一枝高數百丈大數十圍覆垂至地不知何

時所植

漢葛仙翁墓

嘉泰會稽志在縣西南四十里蒿公

山之巔有石室高丈餘狀如冢

漢包孝婦墓

紹興府志在羅巖山

傳詳
列女

漢楊威母墓

水經注縣東北上有孝子楊威母墓

晉太傅謝安墓 嘉泰會稽志在縣西北四十里史
云安墓在建康梅崗此云安墓未詳按南史謝靈
運父祖並葬始寧或是謝元父子墓爾

吳越公主墓 紹興府志在小越伏龍山

宋提刑趙彥緬墓 嘉泰會稽志在五夫山鳳凰村
宋郎中豐誼墓 於越新編在縣東五里

宋經畧潘時墓 上虞縣志在縣西北三十里

宋侍郎劉漢弼墓 於越新編在瑞象寺前

傳詳名臣

宋龍圖趙繡墓 紹興府志在劉漢弼墓北斷碑猶

存

宋趙良坡墓 於越新編在西溪湖眠牛山墓上有

樟木三株

傳詳忠臣

宋禮部尚書黃度墓 葉適黃公墓誌在鳳凰山

傳詳

名臣

宋朱娥墓 紹興府志在縣南六里

傳詳列女

元孝子錢興祖墓 上虞縣志在五夫鳳凰山

傳詳孝友

元上虞令林希元墓 於越新編在瑞象寺左元至
正間為上虞令卒官貧不能葬義士趙汝能營棺
槨劉坦之捐山葬之

明禮部尚書嚴震墓 於越新編在嚴巷頭松樹墩

明東阿知縣貝秉彝墓 上虞縣志在貝家畧

傳詳循吏

明太常潘府墓 上虞縣志在大雲畧府字孔修成

化丁未進士官太常少卿嘉靖間賜祭葬

明吏部侍郎諡文簡董玘墓 紹興府志萬厯間諭

葬大善隆祐山

傳詳
名臣

明贈大理少卿徐學詩墓 上虞縣志在石龍頭山

傳詳
名臣

明主事趙燮墓 在五夫里東潛鄉

國朝

贈通奉大夫趙鶴墓 在五夫里東潛鄉鎮龍橋

州同知趙汝舟教諭趙汝旭墓 在五夫里朱家灘

嵯縣

漢會稽太守朱買臣墓 嘉泰會稽志在縣北六里

有石羊存焉今號石羊廟買臣吳人今墓在此姑

以傳疑

互見嘉興

晉東陽太守阮裕墓 嘉泰會稽志在縣東九里

詳傳

寓賢

晉處士許詢墓 舊浙江通志在孝嘉鄉濟度村

詳傳

寓賢

晉處士戴顓墓 嵯縣志在縣北一里王僧達吳郡

記云顯死葬剡山今石表猶存宋紹興二年令范仲將為作亭墓下嘉定三年四明樓鑰為書本傳立碑道左八年令史安之重建墓亭以修時祀元至元二十一年縣丞汪庭作雪溪精舍於墓左置田八十畝以供祀事明宏治十三年知縣徐恂重

建墓亭

傳詳隱逸周山墓亭紀畧邑令徐侯尹吾嵎幾三載訪求先賢遺蹟得宋處士戴公

顯之墓於城北通越門乃與寮案謀謂戴公清名高節著當時聞後世不幸饋奠無主而墓在斯土鞠為茂草實吾長民者之責也欲為之作亭於墓前以棲其神可乎寮案皆曰善於是度匠作工徒

之需木石陶甕之植作亭三間丹堊炳
煥肇於二月之望不百日而落成焉

齊徵士褚伯玉墓 紹興府志在白石山今名西白

山

傳詳
隱逸

梁吏部尚書漢昌侯朱士明墓 舊浙江通志在桃

源鄉烏榆山

宋祠部石麟之墓 嘉泰會稽志在昇平鄉

宋兵部尚書石公弼墓 嘉泰會稽志在仙山

傳詳
名臣

明知嵯縣高孜墓 嵯縣志在星子峯下

傳詳
名宦

明南京尚寶卿周汝登墓 嵎縣志在超化寺右崇

禎間賜葬

傳詳儒林

明通判王禹佐墓 嵎縣志在嵯嶠山南崇禎間賜

葬

傳詳忠臣

連枝墓 嵎縣志在鳳凰山

裘德璋妻章氏仲弟德璇妻費氏季弟德瑜妻

沈氏章費以節終合葬於鳳凰山後沈卒亦同葬墓上一木連生三枝人奇之稱連枝墓云

新昌縣

晉高僧支道林墓 嘉泰會稽志按世說在剡之石

城山戴逵過之歎曰德音未遠而拱木已積石城
今屬新昌是為南明山

隋榮王墓 紹興府志隋榮王白避亂亡入彩烟鄉
葬瀝岡三渡之原

唐鎮東軍節度使石昉墓 成化新昌縣志在黃檀
村有柘樹覆墳如蓋子孫有登科者則柘生一枝
生二三枝則二三人號靈柘墓

吳越檢校太保石元遂墓 成化新昌縣志在沃洲

平頂山

吳越行軍司馬胡璟墓 成化新昌縣志在七里峯

下

宋贈刑部尚書石待旦墓 嘉泰會稽志在仙桂鄉

朝議溫之朝議牧之金紫衍之太博象之太博亞

之大夫景衡並祔

傳詳
儒林

宋新昌縣令袁元墓 成化新昌縣志在壩山元汝

陽人宋咸平二年進士尹新昌卒葬於此子孫遂

家焉

宋國子監博士張渭叔墓 楊簡張公墓誌在董塢

宋祠部石景術墓 嘉泰會稽志在高蟠

宋知郡石彥和少尹石彥中墓 嘉泰會稽志在蒼

嶼

宋朝議石景衍墓 嘉泰會稽志在蘭峴

宋殿中侍御史石公揆墓 嘉泰會稽志在安仁鄉

仁山

傳詳
名臣

宋知軍石嗣慶墓 嘉泰會稽志在石佛寺山

宋刑部石晝問墓 嘉泰會稽志在小江

宋檢詳石宋昭墓 嘉泰會稽志在王公塢

宋大理評事呂億墓 成化新昌縣志在蒼嶼

宋武功大夫董公健墓 新昌縣志在桐岡小隱山

之原 傳詳忠臣

宋評事章天與墓 成化新昌縣志在獨秀山

宋權樞密院編修石斗文墓 成化新昌縣志在鼓

山

宋知郡許從龍墓 嘉泰會稽志在杜黃山

宋知郡趙忠墓 嘉泰會稽志在伍山鄉

宋權戶部侍郎王夢龍墓 新昌縣志在禮義鄉蛾

眉山

傳詳
名臣

宋孝子呂蒙墓 成化新昌縣志蒙父葬邑之杜潭

母所葬曰龍巖蒙卒亦葬焉

傳詳孝友陳傳良呂
孝子墓銘瞻彼廬矣

龍巖之原公昔在矣誰無子孫瞻彼
墓矣龍巖之下公今亡矣誰無父母

宋稽山書院山長吳觀墓 新昌縣志在壩山之陽

傳詳
忠臣

元孝子石永墓 成化新昌縣志在霧後山

傳詳
孝友

明左僉都御史諡恭惠楊誠墓 成化新昌縣志在

彩烟鄉上王山

傳詳名臣明景帝諭祭文爾以近侍出佐大藩克懋公廉遂著賢譽

比因盜發薦爾大材爰授僉都之官托以撫循之寄成功可待竟以疾終眷念賢勞特茲遣祭爾靈

不昧其
尚欽承

台州府

臨海縣

吳尚書陳化墓 赤城志在縣東一百三十里舊有碑隋末海寇仆之

晉隱士任旭墓 明一統志在東刊山南前有石麟又有九女塚乃其女弟之墓

傳詳
隱逸

陳史熙墓 赤城志在白楓山北

唐司戶叅軍鄭虔墓 臨海縣志在金雞山

傳詳
名宦

後唐孝女賀英如華如墓 臨海縣志在三石山時

顯靈異弟瑄祔葬

傳詳列女

宋丞相呂頤浩墓

明一統志在縣西北三十里

傳詳

名宦赤城志在復忠顯績院右呂薨時陳侍郎公輔營其柩於海上至一富家得之發其蓋有朱書

呂安浩三字即主者姓名可怪也

宋丞相諡忠肅范宗尹墓

赤城志在報恩衍慶院

側傳詳
寓賢

宋禮部侍郎陳公輔墓

台州府志在拘嶺

傳詳名臣

宋開府儀同三司諡忠靖曹勛墓
赤城志在顯恩

褒親院側

傳詳
寓賢

宋朝奉大夫晁公為墓 台州府志在金溪晁建炎

間嘗為州後葬此

宋敷文閣學士陳良翰墓 臨海縣志在縣南五里

真空院側

傳詳
名臣

宋禮部尚書李擢墓 赤城志在縣南一十九里寶

嚴院西子吏部侍郎蓋謙墓祔焉

傳詳
寓賢

宋待制盧知原墓 赤城志在柑桐盧本山東人嘗

夢有告者云生山東死柑桐後果葬此知原字行之官至徽猷閣待制紹興中寓臨海

宋八行先生徐中行及子庭筠墓 明一統志在縣

東南七十里淳熙間朱文公熹行部拜墓下大書以表之曰有宋高士二徐先生之墓又題詩有道

學傳千古東甌說二徐之句

傳詳儒林石塾徐季節墓銘天之生民厥

有常性物欲蔽固以失其正先生之學誠敬是先視彼牕壁無非格言處已接人有權有度我躬則否我心則豫既壽且康聲聞日隆謂天難知而報亦豐梅溪之原先生之寯過者斂容千載無替

宋叅政陳騭墓 台州府志在下浦山

傳詳名臣

宋朝散郎石塾墓 臨海縣志在雲溪

傳詳儒林

宋丞相謝深甫墓 赤城志在保寧縣側

傳詳名臣

宋叅知政事謝廓然墓 台州府志在楊梅山

赤城志字

開之歷官樞密院進同知兼權叅知政事

宋國子監主簿周洎墓 葉適周君墓誌在雲溪

宋朝散大夫王卿月墓 台州府志在牛極山

赤城志卿

月乾道進士終朝散大夫樓鑰為墓銘

宋戶部侍郎商飛卿墓 赤城志在龍潭莊側

傳詳名臣

宋諫議應武墓 赤城志在靈鷲院側

宋修撰王斐墓 台州府志在干公茶園斐字仲溫

歷太常寺主簿終右文殿修撰

宋司業陳耆卿墓 赤城新志在縣南

傳詳儒林

宋觀察梁志道墓 臨海縣志在鯉魚鰓舊志載三

國大司農梁時習墓子世遠太學博士孫士昭河

南府尹耀廣州刺史及志道觀察使祔焉按三國

有梁習曹操辟為漳長累官大司農非台人且與
時習名不同并士遠士昭耀俱無考止志道係宋
咸淳進士

元臨海郡公諡文惠陳孚墓

台州府志在松里

傳詳

名臣

明禮部尚書陶凱墓

赤城新志在長潭

傳詳文苑

明侍郎賀銀墓

台州府志在三山

明編修陳璣墓

赤城新志在梅浦畧其子監丞旅

墓亦在焉

傳詳
儒林

明廣東右布政使陳員韜墓

臨海縣志在上花園

傳詳
循吏

明廣東布政使諡恭愍陳選墓 赤城新志在八疊

山主事林沂奏准着有司以禮安葬

傳詳
儒林

明左僉都御史陳世良墓

臨海縣志在許嶼灣

傳詳

名臣

明雲南右布政使戴德孺墓

台州府志在杜祈

傳詳

功武

明江西提學金賁亨墓 台州府志在長潭鳳凰山

傳詳
儒林

明尚書何寬墓 臨海縣志在釣魚嶺

明刑部左侍郎王宗沐墓 臨海縣志在延豐山明

萬厯間賜祭葬

傳詳
名臣

明南京吏部尚書秦鳴雷墓 舊浙江通志在雙門

傳詳
文苑

明南京鴻臚寺卿王士性墓

台州府志在黃沙

詳傳

文苑

明江西巡撫王士琦墓

臨海縣志在石塘賜祭葬

傳詳
武功

明兵科給事中陳函煇墓

臨海縣志在雲峯山

詳傳

忠臣

國朝

贈侍郎馮元鼎及子刑部侍郎甦墓

舊浙江通志

在長樂鄉媳貞節戴氏康熙二十年奉

旨歸葬

僉事洪若臯墓 台州府志在下塘園

傳詳文苑

黃巖縣

唐司直李公亮墓 赤城志在縣南一十五里墓誌

乃顏師本撰言其先隴西人以開成三年季冬六

日旅寔於台州黃巖縣南黃山西南之原

唐大理少卿王從德墓 黃巖縣志在十一都金家

輿口題石柱云東洋王長公之墓

王晟王公墓誌銘公咸通進士

三推至景福為大理少卿自錢塘避難至寧溪卜居東山之洋以天成二年丙戌偕夫人賈氏厝此

去寧溪五里

宋叅政謝克家墓

赤城志在教忠崇報寺側

傳詳名宦

宋知候官縣林萬草廬先生林萬墓

黃巖縣志俱

在樟槿山

傳詳儒林

宋右丞相諡清獻杜範墓

赤城新志在靈巖山上

有小洞世傳丞相讀書於此其居第故址亦在山

下今呼為杜家村

傳詳名臣

宋特科池從周墓

黃巖縣志在淨土巖

傳詳儒林戴良齊池

先生墓銘淨土西山先生肅居無千年骨有千年書公名不沒我言不虛

宋朝請郎彭龜年及弟椿年墓

台州府志在永寧

山

宋司戶章文禮墓

赤城新志在奧林

宋祕閣章敦禮墓

赤城新志在黃輿墓前有存著

菴其裔孫主事陬之墓亦在其南

宋車若水墓 名勝志在謳韶

傳詳
儒林

宋壽雲先生諡康敏黃超然墓 赤城新志在桑川

宋司農卿杜澣墓 黃巖縣志在南鎮塘

傳詳
忠臣

宋牟楷墓 黃巖縣志在茅畬其祖迪功郎忱墓在

佛巖山

元魏國公諡忠介台哈布哈墓 台州府志在唐門山

將軍巖下

傳詳
忠臣

明侍郎徐宗實徐聞教諭徐森墓 赤城新志在石

櫃山其從弟主事宗顯在黃土嶺西戍浦壘

明廣西布政使童謨墓 台州府志在上壘

傳詳忠臣

明都御史李匡墓 黃巖縣志在委羽山西

明四川廉使高瑛墓 台州府志在永寧山下

傳詳循吏

明給事徐簡墓 黃巖縣志在大澧

明贈禮部尚書諡文毅黃孔昭墓 赤城新志在委

羽山弘治四年遣官營葬

傳詳名臣

明知縣趙珂墓 黃巖縣志在委羽山門人劉大夏

題碑陰

明副使施槃墓 台州府志在黃茅山

明刑部右侍郎王啟墓 台州府志在柏壘

傳詳名臣

明右都御史王壙墓 黃巖縣志在冠莊明嘉靖間

勅葬

傳詳名臣

明禮部尚書黃綰墓 舊浙江通志在委羽山文毅

公墓下

傳詳儒林

明刑科給事中吳執御墓 黃巖縣志在壕頭

傳詳名臣

天台縣

晉楊長邁墓 天台縣志在縣西五里官路側磚文

云晉太元八年八月十二日葬

齊錢叔齊墓 天台縣志在縣南七里磚文云齊永
明六年歲戊辰葬

唐金吾將軍宋得遇墓 台州府志在五都蒼山前
校書郎金際時撰墓銘云得遇字昌會廣平人為
金吾將軍海門都防禦使元和三年葬

宋秦魯國賢穆大長公主墓 赤城志祔都尉錢太

師景臻在護國寺側少師忱叅政端禮丞相象祖

仍祔焉

宋台州戶曹叅軍滕膺墓 赤城志在傳教院側

傳詳

名
宦

宋少師黃宜墓 天台縣志在下松門有黃遂碑高

斯得墓誌

傳詳
名臣

宋叅政賀允中墓 赤城志在資福院

傳詳
寓賢

宋探花裴淳墓

天台縣志在縣東路下

台州府志淳字粹翁

開禧乙丑探花

宋無為軍教授潘時舉墓

台州府志在思賢橋側

傳詳儒林

宋祕書楊幼度墓

台州府志在密頭廟側

宋太傅張世傑墓

台州府志世傑歿於崖山其子

舜功奉母徙台葬縣東後洋百花園

明贈太子少保徐善述墓

赤城新志在縣東八都

洪熙初遣官營葬楊士奇為墓誌

明御史楊公直墓 台州府志在兩頭塘大路北

明都御史夏迪墓 天台縣志在龍迴山之側

傳詳名臣

明都御史魯穆墓 台州府志在百步洋楊文敏榮

撰墓誌

傳詳介節

明南京兵部侍郎杜寧墓 赤城新志在山口

傳詳名臣

明南京吏部侍郎范理墓 赤城新志在韓墓山成

化中遣官營造

傳詳名臣

明副都御史夏塤墓 赤城新志在赤城山成化間

遣官營造謝鐸撰墓誌

傳詳名臣

明應天府尹魯崇志墓 赤城新志在上皇山成化

間遣官營造諭祭

傳詳名臣

明福建副使楊澤墓 台州府志在畫眉嶼

傳詳循吏

明大學士潘晟墓 天台縣志在柘溪蟠龍山

明侍郎張文郁墓 台州府志在桃源

仙居縣

唐蔣琰墓 舊浙江通志在金像寺前

梁吳全智墓 台州府志後梁時人始在下厯後遷

東山

唐安撫使張文伏墓 仙居縣志在縣南兆塢子曷

祔葬文伏字德昭天成元年進士授淮東安撫使

壽八十三卒

宋直顯謨閣韓昭墓 赤城志在管竹村

傳詳寓賢

宋龍圖閣直學士吳芾墓 明一統志在縣西一十

里朱子撰神道碑

傳詳名臣

宋安撫郭晞宗墓

赤城新志在蓮堂山墓前有種

德菴董適為記

宋待制郭磊卿墓

赤城新志在南峯山其兄嘉卿

繼一之墓亦在焉

傳詳名臣

宋都御史張次賢墓

仙居縣志在後嶺

宋杭州教授諡忠烈張華宗墓 台州府志在塔山

灣

元處士呂徽之墓 台州府志在朱溪

傳詳
隱逸

元奎章閣博士柯九思墓 舊浙江通志在仙居縣

傳詳
文苑

元監丞王峻用墓 台州府志在井坑

明少卿張容墓 仙居縣志在田市西

明御史顧大奇墓 仙居縣志在下山頭

明贈太子太保禮部尚書諡文通王一寧墓 赤城

新志在東甬箕山景泰中遣官營造

傳詳
文苑

明御史戴宏演墓 台州府志在抱寵斗峰山

仙居縣志

字原通永樂甲申進士
官至江西道監察御史

明御史王存忠墓 仙居縣志在十都埠頭

明孝子應昌墓 台州府志在觀音巖仙居縣志昌

子布政應良墓亦在觀音巖鄒守益為墓誌

傳詳孝友

明刑部尚書應大猷墓 仙居縣志在峽山隱真宮

明隆慶間遣官營葬秦鳴雷撰墓誌

傳詳武功

明左都御史李一瀚墓 仙居縣志在東村明隆慶

中遣官營葬

明右都御史吳時來墓 台州府志在四都大林明

萬厯中遣官營葬

傳詳名臣明神宗諭祭文惟卿竭忠抗節望著先朝秉憲宣猷

名高當代老成既謝窀穸倏臨膝念往勞式頒祭典泉靈不昧尚克欽承

明四川叅議吳廉墓 仙居縣志在縣南吳遵為墓

表

傳詳名臣

明御史盧明章墓 台州府志在縣東斷橋

明廉使應朝卿墓 舊浙江通志在縣南多福寺

傳詳

名臣

明烈女顧惜寶墓 舊浙江通志在懷仁

傳詳列女

寧海縣

吳尚書僕射屈晃妻墓 赤城志在屈母山

臨海縣志晃字

光公仕吳為尚書僕射寧海縣志舊傳晃郡人其子坦偕母隱湫水山今邑南百里有屈尚書妻墓

梁將軍田什墓 赤城志在縣西一里昔墓圯獲鐵

鏐鎧即靖邊侯也

寧海縣志梁太清間拜殿前將軍子孫世居梅枝

唐尚書葉預墓 赤城志在東蒼

明洪州別駕梅盛墓

萬厯寧海縣志在靈鳳山

寧海

縣志字昌圖任南昌今薦授洪州別駕詔褒長者人因稱為梅長者

吳越太傅葉景泰墓

赤城志在縣東三十里梅枝

萬厯寧海縣志景泰字克盛仕吳越為太傅隱居小梅枝今有碑像存瑞相寺後葉山有墓

吳越光祿大夫張質墓 台州府志在縣西北三十

里硤石門

萬厯寧海縣志質仕吳越為光祿大夫與鄭都官同諫納土今墓尚存

宋周弁祖墓 赤城志在縣南五十里東塢其家自

越徙此嘉祐五年忽有天燈見塚上其孫弁登第

至元祐二年復見弁二子煒炳又登第焉

台州府志俗呼

為雙燈墓周伯玉謁少師祖墓詩難忘祖德寄菟裘鬱鬱佳城紫翠浮奕葉詒謀新雨露采繁歆格托松楸天燈吐滅祥雲擁官績銘鐘遠韻留祇願後昆爭往躅綿延瓜瓞振千秋

宋提刑羅適墓 赤城志在馬山

傳詳循吏

宋吏部尚書諡文憲洪擬墓

赤城志在項輿

傳詳寓賢

宋蔡貴妃祖墓

台州府志在蔡家園宋孝宗妃蔡

氏祖也

宋朝議大夫趙子臬墓

台州府志在梁皇山

寧海縣志

子臬字立廷紹興進士係
宗室卿累官朝議大夫

宋承直郎舒岳祥墓 寧海縣志在縣北五十里

詳傳

文苑

宋知江陰軍儲國秀墓 台州府志在松檀莊家壘

萬歷寧海縣志國秀字材父由進士歷知江陰
軍事乞侍養歸從學數百人稱曰理取先生

宋右丞相葉夢鼎墓 赤城新志在蒼山

傳詳
名臣

宋進士董高墓 寧海縣志在蔣家溪鳳山

明知濟寧府方克勤墓 赤城新志在侯城里

傳詳
循吏

明監察御史鄭公智墓 台州府志在州市輿

明訓導許繼墓 萬厯寧海縣志在松檀

傳詳儒林方孝孺許

君墓銘學失其統驚於空言飾外以欺幾忘本源嗚呼士修志篤行邵惟正之趨非義弗蹈暨暨其守汲汲其求棄遺芬華獨與道謀業雖不終世罕厥似我庸闡微以勗髦士

明副都御史石簡墓 萬厯寧海縣志在停頭渡

傳詳

功武

明孝子王煥墓 寧海縣志在大壘

明烈女石三妹墓 萬厯寧海縣志在崇教之右

傳詳

列女

太平縣

宋安僖陵 台州府志在十八都新山

謹按安僖王陵舊志不詳其名考宋宗室傳惟安僖秀王僞為孝宗本生考可以稱陵而子僞卒於秀州紹熙元年始即湖州秀園立廟其墓已在湖州矣台之有陵未詳所據

宋進士陸康業墓 太平縣志在河舉赤城新志世傳為宣公贊

之後宋初擢進士第
卒永嘉而卒葬於此

宋工部侍郎王居安墓 赤城新志在十六都大溪

山梵安寺後

傳詳名臣

宋寶慶承宣使諡忠簡陳良弼墓 台州府志在慶

恩寺東

傳詳寓賢

宋祕書少監戴良齊墓 赤城新志在瓦嶼

傳詳儒林

宋戴復古墓 赤城新志在塘下

傳詳文苑

宋祕書徐因墓 太平縣志在湖霧半嶺山

元昌國判官盛象翁墓 赤城新志在三坑山墓上

有大松數十其一伐去已六七十年而根尚活生

意宛然

傳詳
儒林

元提舉潘從善墓

台州府志在小泉村

明孝子謝溫良墓

太平縣志在十六都桃溪山

傳詳

孝友

明饒陽尹郭櫓墓

赤城新志在溫嶺

傳詳
儒林

明郎中林璧墓

台州府志在官鑑山東麓

明寶慶知府謝省墓

台州府志在桃溪山

傳詳
循吏

明刑部右侍郎林鶚墓

赤城新志在芝罘山諭祭

葬邱濬撰墓誌

傳詳名臣

明禮部侍郎諡文肅謝鐸墓 台州府志在桃溪華

蓋山正德中諭祭令有司治葬事李東陽撰神道

碑

傳詳儒林

明孝子戴填墓 赤城新志在小唐嶺

台州府志填母沒以疾卒

貧無以葬邑令袁道為營塚寔於小唐嶺之側題其墓曰方巖之北唐嶺之南孝子之風流千百年

明少卿邵誠墓 台州府志在大嶺南

明廣東右叅政戴豪墓 太平縣志在溫嶺大嶺北

明給事林霄墓 台州府志在祇園寺

明南京兵部尚書趙大佑墓 太平縣志在馬嘴山

傳詳
名臣

浙江通志卷二百三十八

欽定四庫全書

浙江通志卷二百三十九

陵墓

金華府

金華縣

吳留氏墓 金華府志在縣西南十里相傳為留贊

家墓

宋東陽太守蔡興宗墓 萬厯金華府志在迷村

詳傳

名宦

吳越清海節度使判婺州錢元懿墓 萬厯金華府

志在縣東北六里

名勝志地名沙溪墓有巨碑未刻而石羊虎之類几十餘頭

宋秦國長公主墓 金華縣志在仙洞側

宋趙抃祖墓 明一統志在縣北五里碑文尚存

宋待制趙桓墓 舊浙江通志在天王寺側桓洛陽

人宋紹興間帥廬州死鄺瓊之難子孫居婺之梵

嚴寺因殯焉後郡守孟猷為葬茲土

宋馬將領墓 金華府志在天皇寺西南渡初潰卒

任士安犯城將領拒戰於藕塘衆潰被執死之葬

此

宋徽猷閣待制潘良貴墓 金華縣志在縣北二十

里

傳詳
名臣

宋資政殿學士鄭剛中墓 名勝志在招福原

傳詳
名臣

宋贈資政殿學士葉衡墓 金華縣志在縣東南十

里

傳詳
名臣

宋少師諡文定王淮墓 金華府志在縣西北十里

宋提刑唐仲友墓 金華府志在寶華寺側

傳詳儒林

宋宗政殿說書王師愈墓 金華縣志在白沙鄉朱

文公撰墓誌

傳詳循吏

宋端明殿學士王埜墓 萬厯金華府志在東彌塘

側

傳詳武功

宋北山先生諡文定何基墓 萬厯金華府志在殿

講山循理鄉油塘之原正德十年郡守劉蒞修復

傳詳儒林劉蒞請復何文定墓地碑記北山先生以咸淳五年己巳十二月壬申葬金華縣南山油塘之原豪右據而有之子孫莫之能直正德甲戌春正月知府事劉蒞率同官展修祀事墓已夷且陷惟跌獨存商生大輅復廉得完碑於油塘匿孔尚無恙乃繩其豪於法還其碑於跌正其田於籍歸其佃甲於隣壞伐巨石以封若堂而縈之以垣牆豎享堂四楹旁建連甍以處佃丁規制粗備庶幾有司崇儒重道礪世磨俗之萬一焉

宋贈承事郎諡文憲王柏墓 金華縣志在婺女鄉

金村之原

傳詳儒林

元白雲先生諡文懿許謙墓 金華府志在婺女鄉

許官山歲久荒圯明成化間推官林沂重為立石
弘治間同知薛敬之題道左曰處士許白雲之墓

傳詳
儒林

元昭勇將軍張英勇墓 萬厯金華府志在縣北五
里元戊戌年從越國公定發有功辛丑年征紹興
陣亡葬此

明越國公胡大海墓 金華府志在生薑隴

傳詳
名宦

明歸全先生葉儀墓 萬厯金華府志在東塘之原

傳詳

儒林

明純孝先生范祖幹墓

金華府志在赤山之原

傳詳

儒林

明衢州教授胡翰墓

金華府志在智者橋東

傳詳
儒林

明布政使章聰墓

金華縣志在西峯寺側

傳詳
循吏

明僉都御史錢學孔墓

金華縣志在鳳凰山側

傳詳

名臣

明工部郎中姜綱墓

金華縣志在白竹

傳詳
介節

明贈右副都御史周鳳岐墓 永康縣志在後鄭明

崇禎間賜祭葬

傳詳忠臣

國朝

總督河道兵部尚書朱之錫墓 義烏縣志在孝順

街

傳詳名臣

康熙年間

賜祭葬

蘭谿縣

唐刑部侍郎舒元興墓

蘭谿縣志在惠安寺側

傳詳

苑文

宋贈少傅蘇遲墓 萬厯金華府志在靈洞棲真寺

之側

傳詳
寓賢

宋香溪先生范浚墓 金華府志在寶惠寺側

傳詳
儒林

宋龍圖閣待制徐良能墓 萬厯金華府志在太平

鄉界嶺

傳詳
介節

宋左丞相諡文肅范鍾墓 萬厯金華府志在惠安

寺傍

傳詳
名臣

宋葉臻墓

蘭谿縣志在清江里應氏塢

呂祖謙葉君墓誌始

予道蘭谿葉君介其子來見視其貌恢然長者也進之語質樸少雕琢意雖浮湛閭里而協族輯隣若嘗知書者家故窘縮末畱食資其子學甫收一科以養而君不能待也銘曰置也饁之簋也奪之罔極之酬匪爵是靡

宋知貴州章如愚墓

萬厯金華府志在八石谿

傳詳

儒林

元仁山先生諡文安金履祥墓

蘭谿縣志在純孝

鄉仁山後壠

傳詳儒林許謙挽仁山先生詩德粹身嘗潤時艱志莫舒治安曾獻策私

淑牟遺書方寸涵千古襟懷湛太虛哲人今已矣
吾道竟何如統緒傳朱子淵源繼魯翁誨人沛時
雨對客藹春風志立修身本誠存
作聖功遺言猶在耳一慟閟幽宮

元禮部郎中吳師道墓 金華府志在銅山鄉中徐

傳詳
儒林

元大司徒銀青光祿大夫陳萍墓 萬厯金華府志

在甘棠鄉青山 傳詳
武功

明副都御史邵玘墓 慈谿縣志在純孝鄉花塘 傳詳

名
臣

明禮部尚書諡文懿章懋墓 萬厯金華府志在竹

塘

傳詳
儒林

明工部尚書諡恭惠章拯墓 金華府志在黃大山

傳詳

名臣

明吏部尚書諡文襄唐龍墓 蘭谿縣志在浩然觀

傳詳

名臣

明贈太常少卿陸震墓 蘭谿縣志在瑞山鄉胡砌

督學胡瑞表曰皇明忠直之臣

傳詳
忠臣

明太僕少卿鄭本立墓 金華府志在平渡西北梅
堂山都御史徐栻撰墓誌

明贈太傅諡文懿趙志皋墓 蘭谿縣志在橫山鄉

清湖堡

傳詳
名臣

東陽縣

漢張掖太守韓晏墓 萬厯金華府志在馬鞍山下

傳詳
循吏

漢合浦太守陳修墓 金華府志在張墓山蘭谿童

品記

傳詳介節

吳廷尉斯偉墓

成化東陽縣志在孝義塘

東陽縣志偉本

姓史仕吳為廷尉

吳孝子斯啟墓

萬厯金華府志在後呂村

傳詳孝友樓鑰

斯許二孝子墓碑跋東陽在婺為壯縣議者以東鄉曠遠別置一尉余里人姚宣伯師虎為之以書來曰管內有許斯二孝子墓許墓在藍矸村所居孝順里及其親塚尚有識者斯墓在後呂村地名孝義塘事并見圖經二人皆常表其門閭今不復存欲立巨石以表其墓且各刻其事於碑陰以詔邑人使慕焉其書之余既書其碑又以此勸宣伯并刻之

晉孝子許孜墓 東陽縣志在藍矸保坐東向西宋

熙寧六年知縣王都官給憑紹興元年立石碑

詳傳

孝友

謹按名勝記云此乃孜營其親墓也孜墓在縣東北五十里資福院側見王象之輿地紀勝象之東陽人其言當必有據錄之以備叅攷

樓湛然墓

未詳時代

名勝志在白兆村

梁僕射杜曉墓 名勝志在縣西五里曉字明遠昭

宗時痛父讓能死非其罪晦迹不出後仕梁官至

尚書卒于難贈右僕射

唐容州刺史厲文才墓

金華府志在馬蹄坑

傳詳循吏

宋知處州賈廷佐墓

金華府志在廣由寺

傳詳寓賢

宋冲素處士張志行墓

東陽縣志在張公山

傳詳隱逸

宋趙彥棧墓

金華府志在花牆塢

宋工部尚書諡端獻葛洪墓

東陽縣志在寶山寺

後府志云在縣南五里者當是其先墓也

傳詳名臣

宋贈朝散大夫李誠之墓

東陽縣志在七星墩

傳詳

忠臣

宋監察御史喬夢符墓

金華府志在縣西七里

傳詳

循吏東陽縣志據本宗譜云在六十四都坊前去縣二十里

宋贈太師諡文惠喬行簡墓

萬厯金華府志在泗

渡之原

傳詳名臣

宋刑部尚書李大同墓

東陽縣志在黃山

傳詳名臣

元國史院編修胡助墓

金華府志在漕塘

傳詳文苑

明副使馬廉墓

東陽縣志在十八墩

傳詳介節

明尚寶少卿陳顯道墓 東陽縣志在東黃之原傳詳

功武

明給事胡澤墓 金華府志在西崑峯下東陽縣志澤字叔霖

永樂乙未進士初授行人陞兵科給事中

明副使杜瑄墓 金華府志在師姑洞下傳詳循吏

明御史陸永安墓 金華府志在林塢

明布政使金淞墓 東陽縣志在大地塔即其宅居

之後是也淞字汝東嘉靖進士以河南布政司引

疾歸卒

明贈光祿少卿盧洪春墓 東陽縣志在象山之陽

與父懷莘同葬天啟初遣使諭祭

傳詳
名臣

義烏縣

秦孝子顏烏墓 明一統志在義烏縣東四里萬厯

金華府志在崇德鄉其西三步孝子父墓也宋大

觀間徐秉哲為建亭紹興間知縣黃袤立石以表

之乾道間知縣林元仲修塋域後魏了翁又為篆

題表之曰秦顏氏烏傷墓

傳詳孝友何恪顏孝子墓碑記永嘉林侯元仲

宰義烏下車未遑他事首訪顏孝子之墓曰邑由孝子名長吏宜致敬焉即束帶趣駕出邑之東四里辰拜墓下禮客甚肅見二冢纍然蔽叢棘中狐兔交跡樵牧不禁侯愀然易色曰何以底民孝哉越明年政成將去部刺史列其治狀上於朝侯於是證圖牒盡反氏所侵地繚以崇墉嚴扃鑰以限薪樵畜蹂躪松楸數十百株表顏孝子墓四大字於道周使過者必式之庀工於乾道丙戌秋七月閏月而就黃潛過顏孝子墓詩丹青像設始何年翁仲遺墟自古傳時有北人來下馬不知秦樹幾啼鵲牧童解指看碑路野衲分耕祭墓田回首長安西日外茂陵松柏正蒼烟

吳東海太守朱桓晉臨海太守朱汎墓 金華府志

並在雙林鄉蜀山里之下宋昇明初子孫招魂遷葬

梁侍郎樓偃墓 義烏縣志在香山

唐臨海丞駱賓王墓 名勝志塚記云墓在義烏縣

東三十里上楓塘

傳詳文苑

宋平昌刺史劉豪墓 成化金華府志在平山

義烏縣志

明隆慶戊辰裔孫尚恭重修墓碑掘數尺見墳臺臺上有碑方尺許刻晦庵卜墓數云天聖戊辰葬此邱陰十八紀出公侯子子孫孫垂不替繩繩武武永無休五百四十一年捐十六七世裔孫修戊

辰戌辰新一石重修重修千百秋呂祖儉為之記
云右數八句為卜劉公之墓天聖六年十月三日
卜葬東平山先塋之原公諱豪字有開裔出漢光
武封太孫於烏傷國除因家縣治南遂為烏傷人
迨晉寧公萬章始為王官歷唐曰珣者翰林學士
公以文學遭平昌刺史致仕曾孫輝煥同登乾道
進士並游東萊晦庵二先生門故晦庵卜其祖墓
之陰有裔行家昌千歲之久余因識大畧於臺上
以俟後日
之驗云

宋學士樓瑤墓 義烏縣志在蜀山青龍崗

宋寶謨閣待制諡文清徐僑墓 萬厯金華府志在

智者鄉五雲山智度寺後

傳詳儒林連一鳴徐公墓
碑記公在趙宋時為

寶謨閣待制文章理學彪炳朝野晚而退老於林泉時探五雲之勝賦詩見志蓋有甚樂於此者子孫成其初志設葬於茲山而肖像於寺所有田地山俾僧時其祭祀數百年來守而不失令者寺日毀田日蕪賦日逋僧且去之惟恐不逮公之雲仍懼先澤之湮沒也質諸令令曰田屬諸寺祭責諸僧有舊章在無事更張惟慎擇住僧急為整頓毋旁撓毋腹削籍歲之所入供賦稅奉燕嘗敗棟頽垣以時修葺則名賢俎豆藉以長存因勒於石以貽來禩

宋吉州守樓圖南墓 義烏縣志在東溪

宋錄事參軍何恪墓 金華府志在和溪

傳詳文苑

宋太常丞喻良能墓 義烏縣志在智者鄉

宋太常少卿朱質墓 萬厯金華府志在雙林鄉巖

庵

宋朝議大夫虞復墓 金華府志在水碓溪西之原

傳詳
儒林

宋侍郎龔應之墓 義烏縣志在馬拗嶺下

宋朝散大夫黃夢炎墓 金華府志在上者塘之原

元進士戚仲咸墓 萬厯金華府志在雙林鄉下仲

咸永康人黃文獻潛銘墓

傳詳
儒林

元進士王炎澤墓 義烏縣志在湖陽山

傳詳儒林黃潛王先

生墓誌銘南陵先生至順三年八月十三日以疾卒享年八十十月十日葬縣南崇德鄉湖陽山先墓之次銘曰婺女之墟孝子之里以儒起家肇自王氏世科世祿恒不乏人重珪疊組萃於一門是似是續燁聯十葉復抱遺經修其世業先生承之弗墜益振如木有本如水有源教施於鄉佩衿濟濟濟道之將行乃止不仕尚克有子而又有孫餘潤所蒙有才彬彬趾美於前休垂於後嗚呼先生是謂不朽

元侍講學士諡文獻黃潛墓 明一統志在東塾山

之原

傳詳儒林楊維禎黃文獻墓銘大星煜煜兮繡水穆穆兮文之毓兮大星翳兮繡水壺兮

文之逝兮唯文之鳴兮大音在廷爾鏞爾鼗兮我
瑟我笙拊之步兮會之成兮氣一并兮有元氏之
聲兮吁嗟兮默默兮孰見古人之風
風渾響以上馳兮膏吾車其曷從

元丹溪先生朱震亨墓 金華府志在朱山郭頭庵

傳詳方技宋濂丹溪先生墓銘濂洛有作性學復
明考亭承之集厥大成化覃荆揚以及閩粵時雨
方行區萌畢達世裔之正實歸金華綿延四葉益
燦其葩有美君子用世不利乎惠家邦庶亨厥志
仁義之言繩繩勿休昭朗道真釋除欲仇旁溢於
醫亦昭絕躅開闢元微功利尤博故其豪英變為
毅弘所以百為度越於人世逢方冥正資揚燎夢
夢者天使理其耀精神上征定為長庚與造化遊
日光煒煒表德幽墟遵古
之義僉曰允哉是詞無媿

元金涓墓 萬厯金華府志在金庵山

明贈學士諡忠文王禕墓 明一統志在青巖之象

鼻岡萬厯金華府志禕死節雲南子紳孫徐招魂

以葬子綬紳皆祔

傳詳忠臣

明侍讀樓璉墓 義烏縣志在智者鄉張塘之原

傳詳

忠臣

明都給事諡忠愍龔泰墓 義烏縣志在宗德鄉置

馬塘山

傳詳忠臣

欽定四庫全書

浙江通志
卷二百三十九

明禮部侍郎龔永吉墓 萬曆金華府志在置馬塘

山

金華府志永吉字天民泰子永樂庚子舉人以南京禮部侍郎致仕金幼孜撰墓表王驥為誌

銘

明孝子龔曇墓 義烏縣志在繡湖西山

傳詳
孝友

明侍郎虞守愚墓 義烏縣志在河花心守愚字惟

明嘉靖癸未進士歷刑部侍郎隆慶間賜祭葬

明刑部尚書吳百朋墓 金華府志在青龍山義烏

縣志萬曆間諭祭葬

傳詳
武功

明侍郎金世俊墓 義烏縣志在龍旗山世俊字孟

章萬歷丁未進士歷工部侍郎加尚書服俸

國朝

贈光祿寺卿金漢蕙墓 義烏縣志在城北孝子門

右

傳詳
忠臣

康熙元年

諭祭

永康縣

宋孝子文應均父墓 萬歷金華府志在縣東三十

七里

宋兵部侍郎胡則墓 舊浙江通志在履泰鄉范文

正公有銘

謹按范仲淹胡公墓誌云寶曆二年六月十八日尚書兵部侍郎致仕胡公薨於餘杭郡之私第明年二月十有一日葬於杭之錢塘縣南山履泰鄉龍井源而黃潛南山題名記亦云發之宦學於杭者每歲暮春必之南山辰謁先達故宋兵部侍郎胡公墓據此則墓自在杭州舊志以則為永康人皆云在縣之履泰鄉未知何據或亦祇葬衣冠之所也

宋知封州胡邦直墓 萬曆金華府志在倉口塘

宋吏部侍郎章服墓 永康縣志在芙蓉山

傳詳名臣

宋端明殿學士諡正惠林大中墓 金華府志在火

爐山之南

傳詳名臣

宋贈少師應孟明墓 永康縣志在縣東三十五里

傳詳

名臣

宋徐木墓 永康縣志在霞嶺木字子才乾道丙戌

進士

宋呂皓墓 永康縣志在密浦山

宋狀元諡文毅陳亮墓 萬厯金華府志在龍窟之

原

傳詳文苑喬行簡為永康陳亮請諡疏亮以特出之才卓絕之識而究王伯之略期於開物成

務酌古準今蓋近世儒者所未講平生所交如朱熹張栻呂祖謙陸九淵皆稱之曰是實有經世之學當渡江積安之後勸孝宗以修復藝祖法度為恢復中原之本將以伸大義雪仇恥其忠蓋與漢諸葛亮本朝張浚相望於後先尤不可磨滅擬合令太常定議賜諡永康縣志卧龍山陳龍川墓

國朝康熙十年間東陽人冒認宗支發塚竊葬人莫知之忽山木號鳴震動連日其後喬驚覺控之制府邑令徐同倫親往勘視掘起四棺盜葬者服辜古墓得安昔龍川為母黃夫人墓誌云後千百載猶不廢其為陳氏之墓則必遇君子長者之人為之護成益成識兆云

宋兵部侍郎應純之墓

永康縣志在官山

傳詳忠臣金華

府志純之戰死朝廷遣使葬祭求其首不得為鑄金以葬焉

宋秘書監李恃墓

永康縣志在前倉安濟橋東後

山

宋朝議大夫胡能墓

永康縣志在太平鄉汪牆街

郭塘

宋方峯先生程梓墓

舊浙江通志在方巖嶺上

宋義勇章堦章堅墓

萬歷金華府志在縣南官山

傳詳
忠臣

元昌國州學正聞人夢吉墓 萬厯金華府志在郭

公巖下義烏王禕銘

傳詳
儒林

明知府朱仲智墓 永康縣志在金釣山大項仲智
字大智洪武中以人材舉授江西吉安知府後改

重慶

明侍郎徐讚墓 萬厯金華府志在金豚山

明廣東叅政給事徐沂墓 永康縣志在澆塘山

傳詳

名臣

明工部主事李滄墓 永康縣志在端頭

明贈禮部尚書諡文恭程文德墓 萬厯金華府志

在合盤

傳詳名臣

明兵部侍郎王崇墓 永康縣志在縣西二十三里

傳詳名臣

明御史黃卷墓 永康縣志在霞裏山子一鷗墓在

厚兆

傳詳名臣

明左副都御史王世德墓 永康縣志在金鼓源宗

禎時賜祭葬

明贈僉事徐學顏墓 金華府志在鷄鳴山永康縣

志今改阡本邑四十三都倉凸山崇禎間諭祭葬

傳詳
忠臣

明刑部主事徐可期墓 金華府志在縣西界嶺

傳詳

節介

武義縣

晉鎮南將軍阮孚墓 名勝志在明招山上有惠安

寺蠟履亭

宋尚書右丞呂好問墓 萬厯金華府志在明招山

宋參知政事諡襄靖樓炤墓 金華府志在太平鄉

傳詳
名臣

宋錄事參軍鞏庭芝墓 武義縣志在福聖寺傍孫

臨安知縣鞏豐祔葬葉適撰墓誌銘

宋國史院編修諡忠亮呂祖謙墓 明一統志在武

義縣東十五里石刻宋東萊先生呂伯恭之墓朱

文公書

傳詳儒林徐侯呂謁呂成公墓記躡山半始登穴得拜於墓前有古碑四道巍然聳

列字跡明滅相半大約朱夫子陳同甫諸先生所撰墓記與宋理宗明憲宗賜祭誥勅也覽之肅然

起敬焉

宋太府寺丞呂祖儉墓 萬厯金華府志近東萊墓

石刻云宋愚叟呂公之墓亦文公書也

傳詳儒林

宋安定郡王趙伯翔墓 金華府志在來蘇鄉八仙

源

宋文華閣待制楊大法墓

武義縣志在明巖山

傳詳

名臣

宋宗正少卿章徠墓 金華府志在來蘇鄉牛欄山

傳詳
名臣

宋寶謨閣待制諡文肅徐邦憲墓 萬厯金華府志

在縣西湖山麓

傳詳
名臣

宋朝請大夫劉墉墓 武義縣志在泉溪西山學士

原墉以父滂卹典授温州樂清尉歷朝請大夫呂

祖謙撰誌銘

宋贈龍圖閣學士諡文簡楊邁墓 萬厯金華府志

在長壽鄉西普寧寺後

武義縣志邁字德夫嘉泰癸亥入太學補鎮江教授

歷寶謨閣待制致仕卒贈龍圖閣學士正議大夫諡文簡

宋叅知政事諡莊敏馬光祖墓 萬厯金華府志在

太平鄉

傳詳名臣

宋提點浙西刑獄諡文忠徐道隆墓 武義縣志在

花園廟左

傳詳忠臣

明少卿嚴繼先墓 武義縣志在東山頂隴之原繼

先永樂進士官至太僕寺卿

明郎中徐貴墓 武義縣志在縣南三里貴成化辛

丑進士歷刑部郎中

明四川提學副使潘璋墓 萬厯金華府志在場弄

源

傳詳
循吏

明贈兵部尚書潘希曾墓 萬厯金華府志在牛山

湛若水為誌銘

傳詳
名臣

浦江縣

漢交州刺史楊扶墓

萬厯金華府志在縣西北十

五里

傳詳
循吏

漢諸暨令張敦墓

金華府志在縣東四十里

傳詳
循吏

交州刺史蔣邵墓

浦江縣志在朱村邵字景倩縣

人為益陽令遷洪撫二州刺史襍虎却蝗轉交州

刺史

鄂州刺史傳柔墓

浦江縣志在縣東十五里鶴塘西

柔字仲席縣人為宣城令遷鄂州刺史

謹按洪遵東陽志蔣邵漢洪撫二州刺史傳柔漢
鄂州刺史宋濂作浦陽人物記以為兩漢時洪撫
二州為鄆郡鄆郡為江夏郡及隋平陳始置洪撫鄆
三州則邵柔當是隋以後人今從人物記列於宋
前仍闕其時代
以俟考訂云

宋孝子陳大竭父武鼎墓 萬厯金華府志並在通

化鄉

梁處士何千齡墓 金華府志在縣東三十里

宋屯田員外郎于房墓 萬厯金華府志在左溪山

側

傳詳
儒林

宋贈光祿大夫方資及子揚遠墓 金華府志在仙

華山下

宋贈資政殿學士梅執禮墓 浦江縣志在通化鄉

或云祇葬衣冠之所

傳詳
忠臣

宋布衣倪樸墓 金華府志在石陵之原

浦陽人物
記樸字文

卿唐侍郎若水之後贊曰樸以一布衣之微非有爵號之榮祿賜之厚乃能赤心憂國吐其耿耿直欲叩帝閭上之雖其書不能進其視賈廷佐之二疏陳亮之三書後快朗烈照耀後先如樸者豈非

人傑
也哉

宋黃景珪墓 萬厯金華府志在縣北八里其父昉墓在縣西十五里昉乃黃廷堅之從父元學士義烏黃潛九世祖也

宋沖素處士鄭綺墓 萬厯金華府志在白麟溪

傳詳

孝友

宋尚書右丞毛洪墓 浦江縣志在毛庵塘左

宋容州文學方鳳墓 浦江縣志在化城縣側

傳詳文苑

元黃景昌墓 萬厯金華府志在縣東南華塘之南

傳詳
儒林

元翰林待制柳貫墓 萬厯金華府志在通化鄉梅

塢

傳詳儒林黃潛柳公墓表公之先自杭徙婺之浦江家烏蜀山歷官至江西等處儒學提舉秩

滿歸杜門不出者十有餘年以國史院編修官起於家到官僅七閏月以疾卒於寓舍至正二年十一月九日也夫人盛氏累封浦江縣君前公十二年卒以三年十二月二十二日合葬于縣西通化鄉荆山之原公之葬也中丞張公起巖既為之銘納之壙中復奉門人宋濂之狀屬潛為之表揭於冢上其詞曰柳君河東為時望宗從宋南遷再世外官公生其季逮今盛際以文易武承考之意延

祐初元朝多俊賢公遊其間翱翔後先于于而來
列於庶位詩書禮樂孰非吾事由中而外退也委
蛇遺世獨立一紀於茲國之老成日益淪謝鋒車
在門公不俟駕有懷欲陳堯舜吾君輪當次對乃
以計間來化而歸公乎奚憾士林盡傷失其一
鑒斯文未喪儀型具存表以石章刻在墓門

元應奉翰林文字陳公舉墓 金華府志在磊石之

原 金華賢達傳公舉字正臣善屬文
以薦應奉翰林文字甫兩月卒

元集賢院學士吳直方及子處士吳萊墓 浦江縣

志直方在後吳山徐塢萊在盍塢 直方傳詳名臣
萊傳詳儒林

明尚書鄭沂墓 金華府志在松溪山 金華賢達傳
沂字仲與洪

武丙子應召赴
京拜禮部尚書

明知縣謝沚墓 浦江縣志在花山沚建寧人永樂

間知浦江縣卒於官

明觀察副使張元諭墓 浦江縣志在五路嶺

湯溪縣

漢龍丘長墓 萬厯金華府志在龍游鄉龍丘山

詳傳

逸隱

漢輔國將軍盧文臺墓 金華府志在白沙源墳前

有雙穴深如井

宋邵彥榮夫婦墓

湯溪縣志在縣之節義村

文彥博節

義坊碑記 彥榮龍邱人以孝行著於鄉徵授青州郡判時元昊叛環慶告急奉勅禦寇偵者訛傳軍潰而主帥亡邵妻胡氏方少艾權貴子欲強娶之觸刃而隕邵聞之素職結廬九峯之原終身不娶有司撫實以聞天子旌卹之立坊褒贈廬陵歐陽永叔嘉其事乞碑文於余余惟邵君舉於孝完節義於夫婦之間為之序令與峴山之跡同志不朽云

宋楊與立墓

湯溪縣志在石坑

傳詳寓

國朝康熙四十七年里人張祖年重立墓碑題曰宋儒

船山先生之墓

明鴻臚寺卿胡森墓 湯溪縣志在九峯之南麓森
字秀夫正德辛巳進士

明南昌太守胡公廉墓 萬厯金華府志在寶興寺
之西即羅氏故址公廉字介卿嘉靖壬辰進士叔
胡森有銘

國朝

知縣胡擢標墓 湯溪縣志在盛村擢標字濟英康

熙壬子科舉人任江南建平知縣

衢州府

西安縣

晉信安侯陳弘墓 天啟衢州府志在府治西北百

步

傳詳
寓賢

晉光祿大夫鄭平墓 衢州府志在嘉慶鄉鄭氏子

孫至今常拜其墓

名勝志平戌崢嶸鎮咸熙元年
以功遷左光祿大夫新昌郡公

食邑信安年九
十三卒葬於此

晉征西將軍毛璩墓 名勝志塚廟記云在信安縣

南一里璩乃寶之孫也本傳云自寶至璩三世皆

擁旄節

傳詳武功

吳越侍郎陳備墓 西安縣志在縣西二里備事錢

王鏐王俶國除不食以卒葬此

宋資政殿學士諡清獻趙抃墓 明一統志在欽化

鄉

傳詳名臣蘇軾趙清獻公神道碑公致仕時年七十二

年八月訃聞贈太子少師十二月乙酉葬西安蓮華山娶徐氏封東平郡夫人子二長

屹次岷銘曰蕭望之為太傅近古社稷臣其為焉

翊民未有聞黃霸為潁川治行第一其為丞相名不逮昔孰如清獻公無適不宜邦之司直民之父師具在官守不專於寬時出猛政嚴而不殘其在言責不專於直為國愛人掩其疵疾蓋東郭順子之清孟獻子之賢鄭子產之惠晉叔向之言公兼而有之不幾於全乎

宋知晉寧軍諡忠壯徐徽言墓 天啟衢州府志在

清平鄉楊家壠

傳詳忠臣

宋司諫王珉墓 西安縣志在濟下珉字中玉建炎

初寓衢官臺諫卒高宗賜田一項令衢長吏葬焉

宋衍聖公孔玠墓 衢州府志在金溪隴

西安縣志玠端友子

字錫老紹興中
襲封終通直郎

宋寶謨閣直學士劉穎墓 葉適劉公墓誌在靖安

鄉巖山

傳詳
名臣

宋知汀州徐霖墓 衢州府志在臨江鄉石塘里

傳詳

名臣

宋參謀王椿墓 西安縣志在浮石鄉師姑隴

明兵部侍郎鄭辰墓 西安縣志在浮石溪西側正

統九年賜葬

傳詳
名臣

明提學方應祥墓 在明果寺鉢盂山

傳詳儒林

國朝

鄭烈婦徐氏墓 西安縣志在朝京門外康熙三十

六年知縣陳鵬年詳請建祠立墓

傳詳列女

龍游縣

周姑蔑子墓 明一統志在東華山下

龍游縣志其崇累累百餘

皆其疑塚宋慶元間為人所發古物充切隨即灰滅惟數瓦缶不壞貯水滿其中

宋丞相鄆國公諡忠肅余端禮墓 衢州府志在靈

山石壁之源

傳詳
名臣

宋資政殿學士諡文靖劉章墓 萬厯龍游縣志在

靈山下

傳詳
名臣

宋光祿大夫諡壯敏余嶸墓 萬厯龍游縣志在縣

南三十里嶸字景瞻淳熙進士歷敷文閣直學士

兼兵部尚書以光祿大夫致仕贈少師諡壯敏

宋樞密信安郡侯馬天驥墓 龍游縣志在西寺右

天驥字德夫端平初進士寶佑中拜端明殿學士

同簽書樞密院事封信安郡侯

宋戶部侍郎胡大昌墓 天啟衢州府志在金龍寺

前

傳詳
名臣

宋安鄉令劉愚墓 葉適劉靖君墓誌在仁塘原

傳詳

儒
林

元處士趙緣督墓 萬厯龍游縣志在鷄鳴山

明潯州知府尹燾墓 龍游縣志在西京塢老鷹巖

明烈女徐蓮姑墓 衢州府志在縣北四里

傳詳
列女

常山縣

吳越海州判官江景房墓 常山縣志在馬冠林頭

吳越鎮東軍節度使詹堯臣墓 常山縣志在脫沙

隴下

宋修靖王趙希館墓 舊浙江通志在查瀨鳳山

宋寶文閣待制王渙之墓 衢州府志在牛路抱口

傳詳
名臣

宋丞相諡忠簡趙鼎墓 明一統志在縣北定陽鄉

三十五里

傳詳名宦汪應辰趙公祭文惟公兩登
上宰皆值阡危之時一斥南荒遂為死

生之別莫非命也豈有他哉事既定於蓋棺恩特
榮於歸骨僅脫鯨波之險獲至於斯孰為馬鬣之
封未知所向昔任昉無漬酒之彥而劉峻廣絕交
之書吁嗟此風何獨今日念嘗遊於幕府忍自比
於路人奠以告哀言不盡意歐陽哲趙忠簡墓碑
予讀宋史嘗慕公之為人正統九年行部衢州閱
郡志載墓在常山縣北定陽鄉石門詢之士民無
有識者明年自開化經墓下郵長導予視焉翁仲
石獸俱仆在地樹木蒙翳命從者翦除之乃至其
所墓雖尚存而叛斃人盡取去矣郵長告余有二
孫在亟呼視之俱孱弱不給墳山已屬於邑人徐
公遠為業為之惻然至常山適通判朱善在焉乃
命經理之培其墓為起翁仲石獸之仆者伐山取
道規制宛然仍復其舊皆善之力徐公遠已歿其

子普濟亦持券還趙氏始公南來嘗避地常山永年寺故遂葬於此子孫因家焉公歿僅三百年而子孫家微墓已毀壞如此因記其事
鏡諸墓石與我同志者庶有考焉

宋贈光祿大夫諡襄愍徐幸隆墓 天啟衢州府志

在護國山

常山縣志幸隆字德盛雒陽人舉制科補右正言擢淮東節制副使領河陽軍

節鉞宣和間辭疾居常山靖康間金人再入率所部鏖戰死贈銀青光祿大夫開府儀同三司諡襄愍

宋侍郎江鎬墓 衢州府志在漁漈

宋諫議大夫司馬康夫人張氏墓 常山縣志在十

三都容車山東

宋太史范冲墓 明一統志在縣北二十五里

傳詳寓賢

宋安撫魏矸墓 衢州府志在登封鄉宅山

傳詳寓賢

宋端明殿學士汪應辰墓 常山縣志在石潭頭應

辰玉山人其母魯氏歿葬於此故依焉

傳詳名宦

宋尚書右丞樊清墓 天啟衢州府志在賢良峯下

明尚書徐恢墓 舊浙江通志在左坑

常山縣志恢字伯弘元末

登進士洪武時拜都御史累官戶部尚書退休卒

明贈太子太保諡清簡樊瑩墓 衡州府志在博望

鄉華堂里正德十四年賜葬

傳詳名臣趙州弔樊尚書詩尚書幽宅繡

溪原華表嶙峋石獸蹲一代典型唯直道三朝風力有清論山雲長護蛟龍蛻宰木深知雨露恩遷化至今八十載令人起敬儼如存

明廉使何永芳墓 天啟衡州府志在吳家塢

傳詳衡吏

明兵科給事中鄭林墓 天啟衡州府志在埠儻溪

之西

傳詳名臣

江山縣

葛王墓 天啟衢州府志在縣西三十五里不知何

代人舊有碑田夫斲為磨一日雷震碎之有取花
磚者雷復震今莫敢動

唐祝奢墓 江山縣志在景星山下武德九年封妻

陳氏為懷德縣君詔合葬

傳詳忠臣

唐衢州刺史周美墓 天啟衢州府志在江郎山下

留春塢

傳詳寓賢

宋樂清令周穎墓 衢州府志在五里原

傳詳儒林

宋梁忠獻公王

名失

墓

江山縣志在縣東北崇善鄉

嚴礪公世居汴梁宗澤辟參軍機累遷至樞密副使金人攻揚州被執不屈遂遇害于俱時年十六尋父屍於野廬其旁事聞賜葬於此

宋武畧將軍趙善孚墓

舊浙江通志在縣九都峯

下

宋逸平先生徐存墓

衢州府志在南塘景里鄉明

嘉靖二十二年知縣黃綸訪得之立碑曰宋大儒

徐逸平先生墓又訪裔孫成章纔周歲令著守祠

仍置田六畝以供祭祀黃綸撰墓碑記

傳詳
儒林

宋刑部侍郎徐復殷墓 衢州府志在九都出青山

內翰渙之孫正節公應鑣之祖也

傳詳
文苑

宋殿中侍御史柴瑾墓 天啟衢州府志在毛村石

壁寺後

傳詳
循吏

宋刑部侍郎周自強墓 天啟衢州府志在禮賢鎮

圓覺菴勅葬

傳詳
義行

宋國史編修柴望墓 江山縣志在長臺高齋

衢州府志

望字仲山淳祐中伏闕上書下獄以趙汝愚申救放歸端宗立授國史院編修

宋進士柴隨亨墓 衢州府志在櫟林九磔口

江山縣志

七歲能文登文天祥榜進士知建昌軍

宋柴蒙亨墓

衢州府志在秀峯下南安寺後

傳詳文苑

明孝子何倫墓

舊浙江通志在墳前山

傳詳孝友

明刑部尚書諡端簡毛愷墓

衢州府志在景星山

徐階為墓碑

傳詳名臣

明廣東布政使徐需墓

衢州府志在縣之上溪

詳傳

名臣

明右僉都御史趙鏜墓

江山縣志在懷玉祝家山

鏜字仲聲號方泉江山人嘉靖丁未進士歷官右

僉都御史

開化縣

唐魏氏塚

天啟衢州府志在縣西里許魏鄭公家

塚或以為魏謩所葬土人耕犁得古器如鐺而有

足一鑼如有文者

唐淮南招討使張自勉墓 天啟衢州府志在玉山

鄉石丘姜坂

傳詳武功

吳越錢王祖墓 衢州府志在雲臺鄉閬子坑

名勝志相

傳吳越王祖錢氏微時為人負擔至此其主人曰此水九曲列岫如屏葬者子孫當興因取枯竹標識明日令錢往視竹已生根遂伐去而給其主以失所在潛以父母骨葬之今猶有倒生藤蔓根下

垂如掃云

吳越江氏墓 天啟衢州府志在縣北百步五代時

江氏聚塚景房景諧躋溥萬里皆其後初為墓時
未置縣有善陰陽者謂葬後當出斗粟官及置縣
官為留地四十畝自五代至宋躋世科者九十九
人

明刑部侍郎吾紳墓 開化縣志在縣北鍾山下永
樂時官刑部侍郎宣德間勅葬

浙江通志卷二百三十九